

禮經釋例卷四目錄

飲食之例中

凡一人舉觶爲旅酬始二人舉觶爲無算爵始

凡旅酬皆以尊酬卑謂之旅酬下爲上

凡旅酬不及獻酒者不與

凡旅酬皆拜不祭立飲

凡旅酬不洗不拜既爵

凡無算爵必先徹俎降階

凡無算爵皆說屢升坐乃羞

凡無算爵不拜唯受爵於君者拜

凡無算爵堂上堂下執事者皆與

凡奠爵將舉者于右不舉者于左

凡君之酒曰膳臣之酒曰散

凡食禮初食三飯卒食九飯

凡設饌以豆爲本

凡正饌先設用黍稷俎豆加饌後設用稻粱庶羞

凡初食加饌之稻粱則用正饌之俎豆卒食正饌之黍

稷則用加饌之庶羞

凡正饌醢醬大羹清加饌簠粱皆公親設

凡公親設之饌必坐遷之公親臨食必辭之

凡食禮有豆無籩飲酒之禮豆籩皆有  
凡食賓以幣曰侑幣飲賓以幣曰酬幣  
凡燕禮使宰夫爲主人食禮公自爲主人

共二十例

禮經釋例卷四目錄

禮經釋例卷四

欵凌廷堪次仲學

飲食之例中

凡一人舉觶為旅酬始二人舉觶為無算爵始

廷堪案鄉飲酒禮主人獻眾賓畢一人洗升舉觶于

賓注一人主人之吏發酒端曰舉鄉射亦然此一人

舉觶為旅酬始也至樂賓畢立司正後賓即取此觶

以酬主人少長以齒終於沃盥者謂之旅酬故注云

發酒端曰舉也旅酬畢使二人舉觶于賓介注二人

亦主人之吏鄉射則使二人舉觶于賓與大夫鄉飲酒若

有大夫則亦舉此三人舉觶為無算爵始也。至徹俎

說屢升坐後賓介即取此二觶以酬主人與眾賓射鄉

禮大夫之觶長爵行無算執觶者皆與謂之無算爵

此皆飲酒之正禮也。特牲饋食禮之旅酬無算爵則

祭畢之飲酒也。西階前之一觶即主人酬賓之觶。至

嗣舉奠後兄弟弟子復舉東階前一觶為旅酬發端

是雖有二觶實亦一人舉觶也。旅酬畢賓弟子及兄

弟弟子洗各酌於其餘賓弟子酌西階之尊兄舉觶

於其長為無算爵發端是亦二人舉觶也。皆與飲酒

正禮同亦有二人舉觶為旅酬始者。燕禮大射主人

獻賓後使二大夫媵爵於公公取一觶爲賓舉旅行  
酬主人獻卿或獻孤後又使二大夫媵爵於公公若  
命長致則一人奠觶於前取酬賓之觶之空處公又  
行一爵爲卿舉旅行酬主人獻大夫後升歌畢公又  
行一爵爲大夫舉旅行酬笙奏間歌畢立司正大射  
正後卽主人獻士後賓媵觶於公公舉之爲士舉旅  
行射禮行射禮主人獻士後賓媵觶於公公舉之爲士舉旅  
行酬此飲酒之正禮也有司徹旅酬是祭畢償尸之  
禮上賓三獻後二人舉觶於尸償尸舉一觶以酬主  
人爲旅酬發端皆二人舉觶唯賓媵觶於公爲一人  
然燕禮大射爲賓爲卿爲大夫旅酬雖二人媵爵所

行者實一觶有司徹旅酬雖三人舉觶所行者亦只  
 一觶也亦有一人舉觶為無算爵始者有司徹無算  
 爵賓所舉之一觶即前主人酬賓之觶至旅酬畢兄  
 弟之後生者舉觶於長與前主人酬賓之觶交錯為  
 無算爵是雖一人舉觶所行者實二觶也燕禮大射  
 旅酬皆三次初次為賓旅酬此二大夫所勝二觶中  
 之上觶也二次為卿旅酬此前二大夫所勝二觶中  
 之下觶也三次為大夫旅酬此獻卿後二大夫中一  
 人所勝於旅賓空處之觶也至合樂後大射則為大  
夫舉旅亦在射後為士旅酬則賓所勝之觶也鄉飲酒鄉射旅酬

祇一次用一人舉觶以發端無算爵則用二人舉觶以發端皆不用主人酬賓之觶主人酬賓之觶主人酬賓之觶主人酬賓之觶禮盛故也若特牲旅酬賓酬長兄弟卽用主人酬賓西階前之一觶有司徹無算爵賓及兄弟交錯其酬亦卽用主人酬賓西階南之一觶祭畢飲酒之禮殺故也又案特牲饋食禮主人酬賓節主人洗觶酌于西方之尊西階前北面酬賓賓在左主人奠觶拜賓答拜主人坐祭卒解拜賓答拜主人洗觶賓辭主人對卒洗酌西面賓北面拜主人奠觶于薦北賓坐取觶還東面拜主人答拜賓奠觶于薦南揖復位戴氏震曰



上經賓北面拜主人奠解於薦北下云主人答拜答  
賓北面之拜也賓坐取解還東面下不得有拜字故  
注但云還東面就其位况賓取解未奠亦無持解拜  
之理拜字不知何時誤衍宋本已然矣無賓兩拜主  
人答一次拜者凡拜皆北面戴說是也考下文旅酬  
兄弟弟子洗酌於東方之尊阼階前北面舉解於長  
兄弟如主人酬賓儀疏云如主人酬賓儀者長兄弟  
北面拜弟子奠於薦南長兄弟坐取解還西面拜弟  
子北面答拜長兄弟奠於薦北揖復位此是賈氏由  
上節經文推出者還西面拜與上經還東面拜正同

則戴氏所謂拜字謬衍者唐初本已有之但賈氏未能訂正耳

又案特牲旅酬用主人酬賓之解發端無算爵用賓弟子兄弟弟子二人所舉之解發端有司徹旅酬用二人舉解於尸侑之尸解發端無算爵用主人酬賓之解發端是特牲之旅酬如有司徹之無算爵亦士禮殺於大夫之義也

凡旅酬皆以尊酬卑謂之旅酬下爲上

廷堪案鄉射禮旅酬司正升自西階相旅作受酬者曰某酬某子注某者字也某子者氏也稱酬者之字

受酬者曰某子。旅酬下為上，尊之也。春秋傳曰：字不

若子。燕禮旅酬更爵洗，疏尊者與卑者之爵不言易者，旅酬下為上，故不言易而言更也。鄭氏

此注即中庸旅酬下為上之確解也。考旅酬之禮，惟

飲酒始有之。凡飲酒之禮，有獻有酢，有酬，有旅酬，有

無算爵。此一定之節次也。雖祭畢之飲酒亦然。獻酒

用爵。燕禮大射，宰夫為主人，皆主人獻之。酢亦用爵，則用觥，下爵一等也。

禮盛者則酢，主人酬酒用觥，唯主人酬賓而已。至於

旅酬，則賓酬主人，主人酬介，介酬眾賓，皆以尊酬卑。

故曰：旅酬下為上也。獻酒賤者不與，至旅酬無算爵。

則凡執事者無不與，終於沃洗者，故曰：所以逮賤也。

蓋獻酢酬所以申敬旅酬無算爵所以爲歡也如鄉

飲酒旅酬賓北面坐取俎西之觶此即一人所舉之

賓奠於薦東者不舉故言俎西以別之阼階上北面酬主人主人降席

立於賓東賓坐奠觶遂拜執觶與主人答拜不祭立

飲不拜卒解不洗實解東南面授主人主人阼階上

拜賓少退主人受解賓拜送於主人之西賓揖復席

此賓酬主人也又云主人西階上酬介介降席自南

方立於主人之西如賓酬主人之禮主人揖復席此

主人酬介也又云司正升相旅曰某子受酬受酬者

降席司正退立於序端東面受酬者自介右衆受酬

者受自左拜與飲皆如賓酬主人之禮辯卒受者以  
解降坐奠于篚司正降復位此介酬衆賓衆賓又以  
少長爲次序相酬也鄉射旅酬同唯無介賓酬主人  
後則主人酬大夫若無大夫則長受酬亦如之又司  
正升自西階相旅作受酬者曰某酬某子與鄉飲酒  
某子受酬異又云辯遂酬在下者皆升受酬於西階  
上亦較鄉飲酒爲詳蓋賓尊于主人主人尊於介射  
則大夫介尊於衆賓是以尊酬卑也鄉飲酒義云少長  
以齒者如酬衆賓則先酬其最長者最長酬其次長  
者以次而及最少雖以少長爲先後亦是以尊酬卑

也長尊於少今以長者酬少者故曰以尊酬卑燕禮公為賓舉旅行酬坐

取大夫所勝解與以酬賓賓降西階下再拜稽首公

命小臣辭賓升成拜公坐奠解答再拜執解與立卒

解賓下拜小臣辭賓升再拜稽首公坐奠解答再拜

執解與賓進受虛爵降奠于篚易解經又曰公有

洗凡旅酬賓主之禮賓酬主人皆反升酌膳解下拜賓先卒俾然後實解以授主人

此公酬賓是君臣禮故公卒解不實解但以虛爵授賓使自酌也小臣辭賓升再拜

稽首公答再拜此公酬賓也又云賓以旅酬於西階

上射人作大夫長升受旅賓大夫之右坐奠解拜執

解與大夫答拜賓坐祭立飲卒解不拜經又曰若膳解也則降更

解升賓散方壺之酒為散非膳尊也大夫拜受賓拜送大夫辨受

醜如受賓酬之禮不祭卒受者以虛解降奠于篚此

賓酬大夫諸大夫兼三卿而言又以爵之尊卑為次序相

酬也為卿為大夫舉旅行酬皆於西階上如初為士

舉旅行酬亦如初大夫卒受者與以酬士於西階上

亦以士之尊卑為次序也大射旅酬大略相同大射與以

酬賓注公起酬賓於西階降尊以就卑也亦旅酬下為上之義蓋公尊於賓賓尊於

卿大夫賓雖大夫為之然命卿大夫尊於士以公酬

賓以賓酬卿以卿酬大夫以大夫酬士亦是以尊酬

卑也此皆飲酒正禮之旅酬也特牲饋食禮主人酬

賓之解奠於薦北籩豆之左也賓取之奠於薦南籩豆之右也賓

位西階前東面故俟主人獻長兄弟眾兄弟內兄弟

畢至長兄弟眾賓長加爵及嗣舉奠後兄弟弟子始

於阼階前北面舉解于長兄弟如主人酬賓儀此解蓋兄弟

弟弟子先奠於薦南長兄弟取之奠於薦北此二解長兄弟位阼階前西面則南為左而北為右

皆旅酬之發端也於是賓取主人酬賓之解阼階前

北面酬長兄弟長兄弟在右賓奠解拜長兄弟答拜

賓立卒解酌于其尊東面立長兄弟拜受解賓北面

答拜揖復位此賓酬長兄弟也又云長兄弟西階前

北面眾賓長自左受旅如初長兄弟卒解酌于其尊



西面立受旅者拜受長兄弟北面答拜揖復位衆賓  
及衆兄弟交錯以辯皆如初儀此長兄弟酬衆賓衆  
賓又酬衆兄弟各以尊卑少長爲次序而相酬也長  
兄弟又取弟子所舉之觶以酬賓如賓酬兄弟之儀  
蓋賓尊於衆賓長兄弟尊於衆兄弟交錯以辯亦是  
以尊酬卑也。有司徹旅酬則賓三獻後使二人舉觶  
於尸侑侑奠解於右不舉尸舉一觶北面于阼階上  
酬主人主人在右坐奠爵拜主人答拜不祭立飲卒  
爵不拜既爵酌就于阼階上酬主人主人拜受爵尸  
拜送尸就筵此尸酬主人也。有司徹是祭畢侑尸之  
禮略如飲酒尸如賓侑

如又云主人以酬侑于西楹西侑在左坐奠爵拜執  
爵與侑答拜不祭立飲卒爵不拜既爵酌復位侑拜  
受主人拜送主人復筵此主人酬侑也又云乃升長  
賓侑酬之如主人之禮此侑酬長賓也又云至于衆  
賓遂及兄弟亦如之皆飲于上饋尸旅酬在堂遂及  
私人拜受者升受下飲卒爵升酌以之其位相酬辨  
此衆賓與兄弟及私人各以尊卑少長爲次序而相  
酬也蓋尸尊於主人主人尊於侑侑尊於長賓長賓  
尊於衆賓兄弟及私人亦是以尊酬卑也此皆祭畢  
飲酒之旅酬也比而觀之豈非旅酬以尊酬卑卽以

下爲上乎鄭氏於鄉射注已詳言其義且引中庸旅

酬下爲上以證之而於禮記中庸篇復注云旅酬下

爲上者謂特牲饋食之禮賓弟子兄弟弟子弟子今本誤作

之子唯孔疏尚作弟子各舉解於其長也逮賤者宗廟之中以

有事爲榮也蓋旅酬唯獻者得與其餘執事之人必

至無算爵然後與鄭氏欲明逮賤之義故引特牲賓

弟子兄弟弟子發端之文以括無算爵非謂旅酬亦

非謂舉解於其長爲下爲上也爵至無算則神惠均

於在庭凡執事者以得與飲酒爲榮不執事者則不

與故曰以有事爲榮非謂舉解爲有事也孔氏正義

不知引鄉射注博考禮經疏通證明但因文而妄爲之說至中庸章句因舊注復增故逮及賤者使亦得以申其敬也二語而鄭義益晦自是數百年來踵譌襲謬不啻郢書燕說無有能辨正者矣

又案有司徹下大夫不饋尸之禮賓兄弟交錯其酬無算爵疏云此堂下兄弟及賓行無算爵似下大夫無旅酬疏說非也上經饋尸之禮賓及兄弟交錯其酬皆遂及私人爵無算此專謂無算爵也此經云賓兄弟交錯其酬者謂旅酬也云無算爵者謂無算爵也與上經爵無算承上文而言者不同考鄉射詳言

無算爵之禮鄉飲酒則但云無算爵不復及其儀節亦此例是不償尸未嘗無旅酬也。

凡旅酬不及獻酒者不與。

廷堪案鄉飲酒記主人之贊者西面北上不與注贊佐也謂主人之屬佐助主人禮事徹鼎沃盥設薦俎者與及也不及謂不獻酒又云無算爵然後與注燕乃及之是不及獻酒者不與旅酬也。禮記鄉飲酒義賓酬主人主人酬介介酬衆賓少長以齒終於沃洗者焉孔穎達亦引鄉飲酒記證少長以齒終於沃洗是無算爵之節考鄉飲酒旅酬辯卒受者以解降坐

奠于篚注辯辯衆賓之在下者鄉射旅酬辯遂酬在  
下者皆升受酬于西階上卒受者以解降奠于篚注  
在下謂賓黨也是旅酬不及衆賓以下也燕禮大射  
公爲賓旅酬云大夫辯受酬如受賓酬之禮卒受者  
以虛解降奠于篚爲卿爲大夫旅酬皆如初並不及  
太夫以下至爲士旅酬始云大夫卒受者以爵與西  
階上酬士又云士旅于西階上辯注祝史小臣旅食  
皆及焉蓋前主人獻士時祝史小臣師及旅食者皆  
與故注云然也特牲饋食禮祭畢飲酒賓旅西階一  
解長兄弟旅阼階一解並衆賓及衆兄弟交錯以辯

特牲記又云主婦及內賓宗婦亦旅前主人獻酒至

眾賓眾兄弟內賓而止故旅酬亦不及眾賓眾兄弟

內賓以下也。有司徹旅酬尸主人侑相酬畢至于眾

賓遂及兄弟皆飲于上。注上上階上遂及私人拜受者升

受不飲卒爵升酌以之其位相酬辨前主人獻酒辨

及私人故旅酬亦辨及私人也。皆不及獻酒者不與

旅酬與鄉飲酒記合也亦有獻而不與旅酬者如鄉

飲酒鄉射燕禮大射獻工獻笙。大射不鄉射大射獻

獲者獻釋獲者是也獻工獻笙為樂而獻獻獲者獻

釋獲者為射而獻非正獻之禮故不與旅酬也。燕禮

大射獻庶子獻左右正內小臣亦不與旅酬者獻庶子獻左右正內小臣在爲士旅酬之後也

凡旅酬皆拜不祭立飲

廷堪案鄉飲酒旅酬賓酬主人坐奠觶遂拜執觶與主人答拜不祭立飲主人酬介介酬衆賓及衆賓相

酬皆如賓酬主人之禮鄉射旅酬賓酬主人主人酬

大夫大夫酬衆賓及衆賓相酬亦同燕禮公舉駿爵

爲賓旅酬賓降西階下再拜稽首公命小臣大射作小臣正

辭賓升成拜公坐奠觶答再拜又云賓以旅酬于西

階上賓大夫之右坐奠觶拜執觶與大夫答拜又云



大夫辨受酬如受賓酬之禮不祭為卿旅酬為大夫  
旅酬為士旅酬皆如之大射旅酬亦同特牲饋食禮  
祭畢飲酒賓酬長兄弟賓奠觶拜長兄弟答拜賓立  
卒觶經不云祭是亦不祭也又云長兄弟酬賓如賓  
酬兄弟之儀有司徹旅酬尸北面于阼階上酬主人  
坐奠爵拜主人答拜不祭立飲又云主人以酬侑于  
西楹西坐奠爵拜侑答拜不祭立飲又云乃升長賓  
侑酬之如主人之禮至于眾賓遂及兄弟亦如之是  
旅酬皆拜不祭立飲也至於燕禮大射公為賓旅酬  
賓坐祭立飲者臣與君行禮且膳酒也故雖旅酬亦

祭若大夫辯受酬者則不祭矣

凡旅酬不洗不拜既爵

廷堪案鄉飲酒旅酬賓酬主人不拜卒觴不洗實觴  
東南面授主人主人酬介介酬衆賓及衆賓相酬皆  
如賓酬主人之禮鄉射旅酬賓酬主人卒觴不拜不  
洗實之進東南面主人阼階上北面拜賓少退主人  
進受解賓主人之西北面拜送賓揖就席主人以解  
適西階上酬大夫大夫降席立于主人之西如賓酬  
主人之禮主人揖就席若無大夫則長受酬亦如之  
燕禮大射公爲賓旅酬賓以旅大夫于西階上立卒

解不拜若膳解也則降更解洗非膳解則不洗可知

為卿旅酬為大夫旅酬為士旅酬皆如之有司徹旅

酬尸酬主人主人酬侑皆云卒爵不拜既爵不云洗

特牲饋食禮旅酬賓酬長兄弟經云賓立卒觶不云

拜既爵亦不云洗則皆不洗不拜既爵可知也若燕

禮大射公取大夫所媵爵以酬賓公卒解賓下拜小

臣正燕禮作辭賓升再拜稽首公坐奠解答拜此卒

解亦拜者臣與君行禮故于卒解時先拜然後公乃

答拜也又云易解與洗此酬賓之解是膳解故易之

不敢襲君之爵也既易之則必洗所以示新也故下

燕禮作辭賓升再拜稽首公坐奠解答拜此卒  
解亦拜者臣與君行禮故于卒解時先拜然後公乃  
答拜也又云易解與洗此酬賓之解是膳解故易之  
不敢襲君之爵也既易之則必洗所以示新也故下

經云公有命則不易不洗矣鄉飲酒記鄉射記皆云  
凡旅不洗不洗者不祭

凡無算爵必先徹俎降階

廷堪案鄉飲酒禮二人舉觶畢司正升自西階受命  
于主人主人曰請坐于賓賓辭以俎主人請徹俎賓  
許司正降階前命弟子俟徹俎司正升立於序端賓  
降席北面主人降席阼階上北面介降席西階上北  
面遵者降席席東南面賓取俎還授司正司正以降  
賓從之主人取俎還授弟子弟子以降自西階主人  
降自阼階介取俎還授弟子弟子以降介從之若有

諸公大夫則使人受俎如賓禮眾賓皆降鄉射禮二  
 人舉解畢司正升自西階阼階上受命于主人適西  
 階上北面請坐于賓賓辭以俎反命于主人主人曰  
 請徹俎賓許司正降自西階階前命弟子俟徹俎司  
 正升立於序端賓降席北面主人降席自南方阼階  
 上北面大夫降席席東南面大夫和也賓取俎還授司正司正  
 以降自西階賓從之降遂立于階西東面司正以俎  
 出授從者主人取俎還授弟子弟子受俎降自西階  
 以東主人降自阼階西面立大夫取俎還授弟子弟  
 子以降自西階遂出授從者大夫從之降立於賓南

衆賓皆降立于大夫之南少退北上此皆徹俎于旅

酬之後無算爵之前者也燕禮立司正訖司正升自

西階東楹之東請徹俎降公許告于賓賓北面取俎

以出膳宰徹公俎降自阼階以東注膳宰降自阼階以肩親徹若者親

飲然卿大夫皆降東面北上大射儀射畢為大夫舉旅

酬訖司馬正升自西階東楹之東北面告于公請徹

俎公許遂適西階上北面告于賓賓北面取俎以出

諸公卿取俎如賓禮遂出授從者于門外燕禮卿大

夫降復位疏云大夫雖無俎以肩公卿皆送庶子正

徹公俎降自阼階以東此皆徹俎于為大夫旅酬之

後獻士之前者也。獻士獻庶子禮殺，故在徹俎後。與無算爵同矣。至于特牲饋食禮，宗人告祭，齊乃羞。在旅酬之前，有司徹乃羞。庶羞于賓，兄弟內賓及私人。在旅酬之後，則祭畢飲酒之禮，不同於飲酒之正禮。故也。

凡無算爵皆說屢升坐為羞。

廷塔案鄉飲酒禮將行，無算爵主人請坐于賓，賓辭以俎。注至此盛禮俱成，酒清肴乾，賓主百拜，強有力猶倦焉，張而不弛，弛而不張，非文武之道。請坐者將以賓燕也。俎者肴之貴者，辭之者不敢以禮殺當貴。

者疏云自旅以前立行禮是盛自此以後無算爵坐

行禮謂之殺至徹俎畢說履揖讓如初如初如一升

坐注說履者為安燕當坐也必說于下者履賤不空

居堂說履主人先左賓先右今文說為稅疏云凡堂

法立行禮不說履坐則說履又云說履主人先左賓

先右者案曲禮云上於東階則先左足上於西階則

左納右坐右納左今說之亦北面鄉階主人先坐左

賓先坐右亦取近於相鄉敬之義也乃羞注羞進也所進者狗彘醢也

鄉設骨體所以致敬也今進羞所以盡愛也敬之愛

之所以厚賢也疏云骨體貴人不食故云致敬無算

爵注算數也賓主燕飲爵行無數醉而止也無算樂



注燕樂亦無數或閒或合盡歡而止也春秋襄二十

九年吳公子札來聘請觀于周樂此國君之無算是

無算爵皆說屨升坐乃羞也鄉射禮徹俎畢主人以

賓揖讓說屨乃升大夫及眾賓皆說屨升坐乃羞與

鄉飲酒同燕禮徹俎畢賓反入及卿大夫皆說屨升

就席公以賓及卿大夫皆坐乃安羞庶羞大夫祭薦

此先獻大夫所薦注燕乃祭薦不敢於盛成禮也司正升受命皆命君曰無

不醉賓及卿大夫皆與對曰諾敢不醉皆反坐大射

儀徹俎畢賓諸公卿皆入門東面北上司正升賓賓

諸公卿大夫皆說屨升就席公以賓及卿大夫皆坐

乃安羞庶羞大夫祭薦司正升受命皆命公曰衆無  
不醉賓及諸公卿大夫皆興對曰諾敢不醉皆反位  
坐是燕禮大射無算爵說屨升坐乃羞亦與鄉飲酒  
鄉射同唯鄉飲酒鄉射升坐後卽行無算爵燕禮大  
射升坐後先獻士始行無算爵爲異耳又鄉射疏云  
尊卑在室則尊者說屨在戶內其餘說屨於戶外若  
尊卑在堂則亦尊者一人說屨在堂其餘說屨於堂  
下是以燕禮大射臣皆說屨於階下公不見說屨之  
文明公鳥在堂矣亦與鄉飲酒鄉射異也至於特牲  
饋食禮無算爵本于階下行之故無說屨升坐之文

祭畢飲酒禮殺故也不云乃羞者前旅酬時已羞也  
有司徹饋尸之禮無算爵雖行於堂上然亦祭畢飲  
酒故不云說屢升坐但於是時羞庶羞而已其於特  
牲無算爵雖有堂上堂下之分而其爲禮殺則一也  
不饋尸之禮羞庶羞在賓自酢後亦與特牲異也  
凡無算爵不拜唯受爵於君者拜

廷堪案鄉飲酒鄉射旅酬以前燕禮大射爲大夫舉  
旅行酬以前皆是立行禮禮盛故拜至無算爵時則  
坐行禮禮殺故不拜考鄉射禮無算爵使二人舉觶  
賓與大夫不與取奠解飲卒觶不拜

卽前二人所舉  
之觶注二人謂

執觶者二人也使之升立於西階上賓與大夫將旅當  
執觶也卒解者固不拜矣著之者嫌坐卒爵者拜既  
爵此坐于席禮既殺不復崇 執觶者受觶遂實之賓觶以之主人

大夫之觶長受而錯皆不拜辯卒受者與以旅在下  
者于西階上長受酬酬者不拜乃飲卒觶以實之受

酬者不拜受辯旅皆不拜執觶者皆與旅卒受者以

虛解降奠于篚執觶者洗升實觶反奠于賓與大夫

注復奠之者燕以飲酒為無算樂是無算爵皆不拜  
飲醉乃止主人之意也

也以鄉射推之則鄉飲酒無算爵是賓與介取奠解

餘當與鄉射儀同經不云者文不具也燕禮大射無

算爵卒受爵者與以酬士于西階上士升大夫不拜

乃飲賓爵士不拜受爵大夫就席士旅酌亦如之又云士終旅於上如初無算樂是燕禮大射無算爵亦不拜也。特牲饋食禮賓弟子及兄弟弟子各舉觶於其長長皆奠解於其所皆揖其弟子弟子皆復其位爵皆無算注賓取觶酬兄弟之黨長兄弟取觶酬賓之黨唯已所欲亦交錯以辯無次第之數有司徹賓尸之禮賓及兄弟交錯其酬皆遂及私人爵無算不賓尸之禮賓兄弟交錯其酬無算爵經雖不云不拜準以飲酒正禮則皆不拜可知也。唯受爵於君者始拜燕禮大射無算爵士也有執膳爵者有執散爵者

執膳爵者酌以進公公不拜受是酌膳進公公不拜

也又云執散爵者酌以之公命所賜所賜者與受爵

降席下奠爵再拜稽首不降階拜者禮殺也公答拜受賜爵者

以爵就席坐公卒爵然後飲執膳爵者受公爵酌反

奠之受賜爵者大射無爵字與授執散爵者燕禮無者字執散

爵者乃酌行之唯受爵大射無爵字於公者拜然亦降席

拜而不降階拜則已殺於旅酬之禮矣鄉射無算爵

受酬者不拜受注禮殺雖受尊者之酬猶不拜而燕

禮大射受君之酬則拜者君尊異於常人也又燕禮

大射公有命徹筵則賓及諸公燕禮無賓及諸公四字卿大夫

皆降西階下北面東上再拜稽首公命小臣大射作小臣正

辭公答再拜大射無再字大夫皆辟遂升反坐大射作此反位

則命徹幕之拜而非無算爵之拜此拜亦降階拜公

雖命小臣辭而不升成拜示禮有終也注升不成拜於將醉正臣

禮

凡無算爵堂上堂下執事者皆與

廷堪案鄉射禮無算爵卒受者與以旅在下者于西

階上注衆賓之未飲而酬主人之贊者大夫之未飲

而酬賓黨亦錯焉不使執解者酌以其將旅酬此旅酬即

指無算爵不以已尊於人也其末若皆衆賓則先酬主人

之贊者若皆大夫則先酬賓黨而已執解者酌在上  
辨降復位又云執解者皆與旅注嫌已飲不復飲也  
上使之勸人耳非逮下之惠也亦自以齒與於旅也  
主人之贊者卽鄉飲酒記所謂主人之贊者西面北  
上不與無算爵然後與是也注云贊佐也謂主人之  
屬佐助主人禮事徹筯沃盥設薦俎者蓋據鄉飲酒  
義終於沃洗者言之也以此推之則燕禮大射執膳  
爵者執散爵者亦皆與於無算爵也特牲饋食記宗  
人獻與旅齒於衆賓佐食於旅齒於兄弟有司徹遂  
及私人爵無算是祭畢飲酒堂上堂下執事者皆得



與於無算爵與飲酒之正禮同也中庸云旅酬下爲上所以逮賤也鄭注謂逮賤者宗廟之中以有事爲榮亦謂宗廟之中堂上堂下雖執事之賤者亦得以與於無算爵爲榮也

凡奠爵將舉者於右不舉者於左

廷堪案鄉飲酒記鄉射記皆云凡奠者於左注不飲者不欲其妨又云將舉者於右注便其舉也注謂不飲卽不舉也鄉飲酒鄉射主人獻賓賓祭脯醢畢奠爵於薦西賓席南面薦西卽薦右也此因祭俎而奠爵故奠于薦右爲將卒爵也主人酬賓坐奠解於薦

西凡獻酢之爵皆授受酬酒之觶則奠之奠於薦右

欲賓舉也又云賓北面坐奠觶於薦東即薦左示不舉

也注酬酒不舉君子不盡人之一歡不竭人之忠以全交也一人舉觶於賓為旅

酬始進坐奠觶於薦西賓辭坐受以興舉觶者西階

上拜送賓坐奠觶於其所注所薦西也賓仍奠觶于

薦西者疏云待作樂後立司正賓乃取此觶以酬主

人以其將舉故且奠之於右也二人舉觶於賓介為

無算爵始鄉射無介則二人舉觶於賓與大夫大夫

無大夫則唯賓蓋亦一人舉觶也皆進薦西奠之賓辭坐取觶以興

介則薦南奠之介坐受以興退皆拜送降賓介奠於

其所介席西階上東面以南爲右故云薦南奠之若鄉射之大夫席於賓東南面則皆以薦西爲薦右也賓介仍奠於薦右者亦示將舉也燕禮大射主人獻賓賓將祭俎亦先奠之於薦右爲將卒爵也主人酬賓賓奠於薦東酬酒不舉也皆與鄉飲酒鄉射同是皆將舉者奠於右不舉者奠於左也亦有將舉奠於左者燕禮主人酬賓後二大夫媵爵於公爲賓舉旅發端主人獻卿之後二大夫又媵爵於公爲卿舉旅發端爲大夫舉旅亦舉此媵爵主人獻士之後賓媵觶於公爲士舉旅發端皆云奠於薦南公席阼階上西鄉則薦南

爲薦左此媵爵將舉而奠於薦左者注云不敢必君  
舉也特牲饋食禮祭畢主人獻賓酌酢之後主人酬  
賓奠解於薦北賓位西階前東面則薦北爲左薦南  
爲右此一解嗣舉奠之後賓取以酬長兄弟爲旅酬  
之始是將舉之解而奠於薦左者注云行神惠不可  
同於飲酒也賓取此解奠於薦南者右既以示將  
舉亦質文相變之義也此舉西階一解也爲旅酬發  
端下文兄弟弟子洗酌於東方之尊阼階前北面舉  
解于長兄弟如主人酬賓儀此舉阼階一解也亦爲  
旅酬發端長兄弟位阼階前西面則以薦南爲左薦

北為右矣至於賓弟子兄弟弟子各舉解於其長為  
 無算爵發端則舉解者皆奠解于薦右注於薦右非  
 神惠也竊謂旅酬之解主人奠於薦左者當亦如燕  
 禮二大夫媵爵於公奠於薦左之意不敢必賓舉也  
 賓取解奠於薦右者示將舉也旅酬重於無算爵故  
 其儀繁無算爵輕於旅酬故舉解者徑奠於薦右其  
 儀簡也觀下文長皆奠解於其所可見蓋皆以相變  
 為禮注以行神惠非神惠解之似與禮例不合謂神  
惠均於室中神惠均於在庭率有司徹主人酬尸尸  
人三獻正爵則更無確見矣北面坐奠爵于薦左此不舉者奠於左儻尸如飲酒

之例也主人酬長賓於堂下賓西面坐奠爵于薦左  
此觶至旅酬後與兄弟之長交酬爲無算爵發端是  
將舉之觶而奠於薦左者相變也又二人舉觶於尸  
侑爲旅酬發端侑奠觶於右蓋雖舉尸侑二觶實止  
用尸一觶酬於下故侑此觶雖不舉亦奠於右示猶  
舉也注以爲神惠右不舉恐非唯有司徹主人受尸  
酢將祭俎先奠之於薦左注神惠變於常是也主人  
受尸酢將舉者奠於左則主人獻尸將舉者亦奠於  
左矣

又案醴不卒飯故皆奠於薦左士冠禮賓醴冠者冠

者奠解于薦東注薦東薦左凡奠爵將舉者於右不  
 舉者於左醴子之席筵於戶西南面故注以薦東為  
 薦左也士昏禮女父醴使者賓即使者即筵坐奠于薦  
 左注薦左籩豆之東薦即籩豆也賓席亦南面故注  
 以薦左為籩豆之東也舅姑醴婦奠于薦東婦席戶  
 牖間南面也聘禮主君禮聘賓賓北面奠于薦東注  
 糟醴不啐考禮之通例士冠士昏皆啐醴此經上文  
 亦云坐啐禮注云不啐蓋傳寫之誤當作糟醴不卒  
 爵則與奠于薦東經文相應也又士冠禮醮用酒冠  
 者奠爵于薦東此禮雖用酒不用醴亦但啐酒而已

禮記卷四

不卒爵與醴同異於飲酒正禮故亦奠于薦左也

凡君之酒曰膳臣之酒曰散

廷堪案膳謂瓦大之酒公之酒也散謂方壺之酒臣

之酒也

瓦大射作甄

惟燕禮大射有之故無算爵時士也

有執膳爵者有執散爵者執膳爵者酌以進公公不

拜受執膳爵者酌以之公命所賜蓋禮盛者酌膳酒

明君臣共之也禮殺者酌散酒示臣不敢並君也考

燕禮大射主人獻賓升酌膳者尊賓也賓酢主人亦

升酌膳者宰夫代君為主人也主人獻卿升酌散者

辟賓也獻卿既酌散則獻大夫獻士獻庶子獻工獻



筮

大射不獻筮

之屬皆酌散可知經不云酌散者文不具

也主人獻公盥洗象觚升賓之東北面獻于公經既云象觚則所酌者亦膳酒也主人酬賓先酌散者自飲也自飲畢復酌膳酬賓者代君行禮也二人媵爵于公先酌散者亦自飲也自飲畢復洗象觚升賓之者唯公所賜也公爲賓舉旅卒爵後以虛爵授賓賓仍酌膳者承君賜也賓卒觶後實散酬大夫者非君賜不敢酌君之酒也賓媵觚于公先酌散自飲畢復洗象觚酌膳者此觶爲士舉旅行酬之始故其禮與前二人媵爵同也立司正酌散者司正卑故禮殺也

燕禮主人自酢于公酌膳者燕禮主於飲酒故酌君之酒也大射主人自酢于公酌散者大射主於射故不敢飲君之酒也大射飲不勝者勝者之弟子洗觶升酌散者亦禮殺也若賓諸公卿大夫不勝則僕人誦洗升實觶經不云酌散則亦酌散可知也若飲公則侍射者先酌散自飲訖復酌膳俟公卒爵後侍射者又酌散自飲謂之夾爵蓋侍射者賓也公不勝則賓如媵觶之禮復多飲一夾爵也獻服不及釋獲者皆兩壺獻酒注獻讀爲沙士旅食者則兩圓壺亦散酒之屬也燕禮記若與四方之賓燕無膳尊無膳爵異





凡設饌以豆爲本

廷堪案聘禮設殮堂上之饌八西夾六注八六者豆數也凡饌以豆爲本堂上八豆八簋六鉶兩簠八壺西夾六豆六簋四鉶兩簠六壺其實與其陳亦如饗儀疏云凡設饌皆先設豆乃設餘饌故鄭云凡饌以豆爲本考士昏禮贊者設醬於席前此爲壻設饌也設醬畢乃薦菹醢二豆設豆畢乃設俎設俎畢乃設黍稷二敦至末始設清又云設對醬於東此爲婦設饌也設醬畢乃薦豆設敦與壻饌同三俎及清則夫婦共之公食大夫禮設正饌宰夫自東房授醢醬公

設之注以其爲饌本設醬畢乃薦豆薦豆畢乃設俎  
設俎畢乃設簋設簋畢乃設清設清畢乃設鉶士處  
禮陰厭贊薦豆畢乃設俎設俎畢乃設敦設敦畢乃  
設鉶特牲饋食禮陰厭同少牢饋食禮陰厭薦豆畢  
設俎設敦次序亦同唯兩鉶至尸入飯時始設之爲  
小異也是設饌之時有醯醬之豆則先設醯醬之豆  
無醯醬之豆則先設菹醢之豆也聘禮歸饗餘堂上  
之饌先設豆次設簋次設鉶次設簋次設壺兩夾之  
饌亦然蓋歸饗饋之禮雖變於親食賓之禮而其以  
豆爲本之例則未嘗變也

凡正饌先設用黍稷俎豆加饌後設用稻粱庶羞

廷堪案公食大夫禮正饌公設醯醬宰夫薦豆六設于醬西士設俎於豆南宰夫設黍稷六簋於俎西大羹消公設之於醬西宰夫設鉶四於豆西飲酒實於觶設於豆東士虞禮設饌陰厭贊薦菹醢俎入設於豆東贊設二敦於俎南設一鉶于豆南特牲饋食禮設饌陰厭主婦薦兩豆俎入設于豆東主婦設兩敦黍稷于俎南兩鉶菹設于豆南祝酌奠設于鉶南少牢饋食禮設饌陰厭主婦薦豆佐食設俎主婦設黍稷祝酌奠皆正饌先設用俎豆也公食大夫禮加饌

饋祭正饌畢公始設飯梁宰夫膳稻於梁西上羞庶羞設於稻南士虞禮尸入九飯時黍羹清自門入設於鉶南馘四豆設於左特牲尸入九飯時設大羹清於醢北佐食羞庶羞四豆設於左南上有醢注庶衆也衆羞以豕肉所以爲異味四豆者臠炙馘醢少牢尸入十一飯時上佐食羞兩鉶又羞馘兩瓦豆有醢亦用瓦豆設于薦豆之北注設於薦豆之北以其加也皆加饌後設用庶羞也公食大夫大羹清在正饌士虞特牲大羹清在加饌公食大夫加饌有稻梁士虞特牲少牢加饌無稻梁賓客之禮與祭祀之禮相



變也。公食大夫士虞特牲鉶羹皆在正饌。少牢鉶羹在加饌者。少牢無大羹。故以鉶羹易之也。聘禮歸饔餼。臠臠臠蓋陪牛。羊豕注陪鼎。三牲臠臠臠陪之。庶羞加也。堂上及兩夾之饌。設鉶畢始設簋。注簋不次。簋者稻粱加也。是加饌有稻粱與。公食同也。士昏無加饌者。尚質也。

凡初食加饌之稻粱。則用正饌之俎豆。卒食正饌之黍稷。則用加饌之庶羞。

廷堪案。公食大夫禮。賓初食。佐擁簋。粱右執清。以降此。簋粱卽前設加饌時。公所親設之飯粱也。此清卽

前設正饌時公所親設之太羹清也又云賓三飯以清醬注每飯歃清以穀搗醬食正饌也此醬亦前設正饌時公所親設之醯醬也加饌之簠梁正饌之清與醯醬皆公所親設故先食之言梁則兼稻言清醬則兼俎豆經不言者非公親設故也注不言其餽優賓疏云任賓取之是優賓也餽卽牲體之屬矣此食加飯也又賓卒食會飯三飲注卒已也會飯謂黍稷此食黍稷則初時食稻粱又云不以醬清注不復用正饌也初時食加飯用正饌此食正飯用庶羞互相成也後言清或時後用此食正飯也考注云加飯卽

稻梁也。正饌卽俎豆也。正飯卽黍稷也。賓初食用加飯之。稻梁佐以正饌之。俎豆卒食用正飯之。黍稷佐以加饌之。庶羞故云互相成也。

凡正饌醯醬大羹清加饌。簠梁皆公親設。

廷堪案。公食大夫禮。設正饌。宰夫自東房授醯醬。公設之。注醯醬以醯和醬也。又大羹清不和。實於鐙。宰右執鐙。左執蓋。由門入。升自阼階。盡階不升堂。授公以蓋。降出入反位。公設之於楹西。是正饌之醯醬。大羹清皆公親設也。又設加饌。宰夫授公飯。梁公設之。于清西。注旣告具矣。而又設此。殷勤之加也。是加饌。

之簠梁亦公親設也。教氏繼公曰：公設之，示親饋也。故賓初食時用正饌之清，釐及加饌之簠梁。卒食後，執手與北面坐，取梁與鬻以降。西面坐奠於階西，皆因公親設之故也。清西者，卽前公所設正饌之大羹。清也。正饌以大羹，清爲上加饌，以簠梁爲上。正饌在中席已東，太羹清在正饌之西，加饌在中席已西。飯梁在加饌之東，故云於清西也。兩饌之間，客人下，經云：賓北面自間坐。注：由兩饌之間也。兩饌卽所闢正饌，加饌也。

凡公親設之饌，必坐遷之。公親臨食，必辭之。

廷堪案公食大夫禮設正饌宰夫自東房授醴醬公設之賓辭北面坐遷而東遷所注東遷所奠之東側其故處也疏云東遷所者謂以西爲上君設當席中故東遷之辟君設處側近也近其故處敖氏繼公曰遷之者示不敢當公親設之意且以爲禮也又大義清公設之於醬西賓辭坐遷之注亦東遷所疏云言亦者亦前醬東遷所以醬旣東遷所今於醬西遷之明亦東遷所移之故醬處也又設加饌宰夫授公飯梁公設之於清西賓北面辭坐遷之注旣告具矣而又設此殷勤之加也遷之遷而西之以其東上也是

公親設之饌必坐遷之也。正饌東遷，加饌西遷，則中間可以容人矣。又賓初食降辭，公公許，賓升，公揖退于箱，注辭公故也。必辭公者，爲其尊而親臨已食待食贊者之事。又賓卒食降辭，公如初，賓升，公揖退于箱，是公親臨食必辭之也。皆尊不敢當之意。

凡食禮有豆無籩，飲酒之禮豆籩皆有。

廷堪案：公食大夫禮，正饌宰夫自東房授醢醬，公設之。宰夫自東房薦豆六，設于醬東。士設俎于豆南。宰夫設黍稷六，簋于俎西。大羹清，公設之于醬西。宰夫設鉶四于豆西。加饌宰夫授公飯，梁公設之于清西。

宰夫膳稻于梁西士羞庶羞庶羞十六豆上經皆無大夫則二十豆

薦籩之文是食禮有豆無籩也士昏禮婦至設饌贊

者設醬于席前菹醢在其北俎入設于豆東贊設黍

于醬東稷在其東設滂于醬南設對醬于東此設婦饌也

菹醢在其南設黍于腊北其西稷設滂于醬北此即如食

禮正士虞禮陰厭贊薦菹醢俎入設于豆東贊設二

敦于俎南此如食又尸入飯前黍蕡滂自門入設于

鉶南敵四豆設于左此如食特牲饋食禮陰厭主婦

薦兩豆俎入設于豆東主婦設兩敦黍稷于俎南及

兩鉶芼設于豆南此如食又尸入飯前設大蕡滂于

醢北三飯後佐食羞庶羞四豆設于左有醢此如食禮加饌

少牢饋食禮陰厭主婦薦自東房四豆菹醢各二司士設俎

在豆東主婦設四敦于俎南二黍稷此如食禮止又尸入飯

前上佐食羞兩鉶尸三飯後上佐食羞裁兩瓦豆有

醢亦用瓦豆共四豆設于薦豆之北此加饌有鉶無大羹前陰厭無鉶與

士禮昏禮設饌祭禮尸飯皆用黍稷蓋食禮之屬故

亦有豆無籩也鄉飲酒禮主人獻賓賓酢主人主人

獻介皆薦脯醢設折俎脯籩實主人獻眾賓獻工獻

笙皆辯有脯醢鄉射禮同唯無介燕禮主人

獻賓獻公皆薦脯醢設折俎賓酢主人未薦至獻大夫後乃薦于洗北主



人獻卿薦脯醢主人辯獻大夫遂薦之薦脯醢也獻工獻

笙辯有脯醢主人獻士既獻乃薦士有事者則先薦祝史小

臣師亦就其位而薦之大射同唯獻卿有俎及是飲

酒之禮豆籩皆有也士冠禮醢用脯醢士虞禮主人

獻祝薦菹醢主婦獻祝籩燔從又主婦亞獻自反兩

籩棗栗設于會南豆已設于陰厭時特牲饋食禮主人獻祝

設菹醢主婦獻祝籩燔從獻佐食不薦但有俎禮殺又主婦亞獻

設兩籩豆已設于陰厭時又主人獻賓薦脯醢設折俎衆賓

薦俎設于其位少牢主婦亞獻不薦籩者至饋尸時始薦也又主人獻祝薦兩豆菹醢不

用脯有司徹主人獻尸主婦薦四豆四籩主人獻角

禮略

主婦薦二豆二籩主人受尸酢主婦薦二豆二籩主  
婦受尸酢婦贊者薦二豆二籩于土婦獻尸獻侑致爵  
主人獻長賓宰夫薦脯醢設俎辯獻衆賓獻兄弟獻  
內賓獻私人皆有薦齊不饋尸之禮主婦二獻薦四  
籩主婦致爵于主人主人致爵于主婦皆薦二豆二  
籩冠禮之醮祭禮之獻酢皆用酒蓋飲酒之屬故亦  
豆籩皆有也至于士冠禮賓醴冠者士昏禮女父醴  
賓贊醴婦聘禮主國之君禮聘賓皆薦脯醢者醴亦  
酒之類也

凡食賓以幣曰侑幣飲賓以幣曰酬幣

廷堪案聘禮大夫於賓壹饗壹食若不親饗則公作大夫致之以酬幣致食以侑幣但言饗食不言燕燕輕無酬幣也公食大夫禮賓三飯後公受宰夫束帛以侑西鄉立賓降筵北面擯者進相幣賓降辭幣升聽命降拜公辭賓升再拜稽首受幣當東楹北面退西楹西東面立公壹拜賓降也公再拜介逆出賓北面揖執庭實以出公降立上介受賓幣從者訝受皮然後賓復入門左升堂卒食此侑幣也蓋食禮盛於燕禮故有束帛有庭實也士冠禮冠畢乃醴賓以壹獻之禮主人酬賓束帛儷皮注飲賓客而從之以財

貨曰酬所以申暢厚意也束帛十端也儷皮兩鹿皮也此酬幣也醴賓而有束帛庭實儷皮即庭實者亦較飲酒之禮為盛也士昏禮舅饗送者以一獻之禮酬以束錦注爵至酬賓又從之以束錦又姑饗婦人送者酬以束錦此饗禮但云束錦不云庭實者蓋昏禮之饗殺于諸侯大夫故也聘禮致饗以酬幣注云禮幣束帛乘馬是饗禮有庭實也教氏繼公曰酬幣侑幣皆束錦亦有庭實

又案陳氏祥道曰食有侑食故有侑幣饗有酬爵故有酬幣聘禮公於賓若不親食使大夫致之以侑幣

致饗以酬幣亦如之大夫於賓若不親饗則公作大夫致之以酬幣致食以侑幣春秋之時秦后子享晉侯歸取酬幣終事八反魯侯享范獻子莊叔執幣是饗有酬幣也禮器琥璜爵鄭氏以爲天子酬諸侯諸侯相酬之禮又王饗號公晉侯皆玉五穀馬三匹是天子饗諸侯諸侯相饗酬幣用玉也諸侯食大夫大夫相食以皮帛束錦則侑幣固有差矣酬幣亦謂之侑侑幣不謂之酬故春秋傳享醴皆曰宥以侑者勸酬之通名也陳氏此說蓋旁通傳記推而言之其實饗禮篇亡禮經可考者唯士昏及聘禮數語而已左

傳莊十八年春虢公晉侯朝王王饗醴命之宥皆賜玉五穀馬三匹饗謂饗禮醴謂醴賓馬者蓋謂饗及醴賓之庭實故聘禮禮賓亦云賓執左馬以出也杜預注以爲行饗禮先置醴酒恐誤士昏禮婦見舅姑贊醴婦饋舅姑舅姑饗婦亦分醴饗爲兩事

凡燕禮使宰夫爲主人食禮公自爲主人

廷堪案燕禮主人亦升自西階注主人宰夫也宰夫大宰之屬掌賓客之獻飲食者也君於其臣雖爲賓不親獻以其尊莫敢仇禮也天子膳夫爲獻主疏云按禮記燕義云宰夫爲獻主是也大射之先行燕禮

亦然是燕禮使宰夫爲主人也。公食大夫禮公如賓服迎賓于大門內入門升階拜至設饌皆公與賓行禮是食禮公自爲主人也。公設正饌之醢醬加饌之飯粱皆宰夫授之以下皆宰夫與士設之則食重於燕可知。又聘禮記燕則宰夫獻注爲主人代公獻然則燕異國之臣亦宰夫爲主人也。蓋君與臣行禮不敵故使宰夫獻若兩君相燕亦自爲主人如昭公十二年左氏傳晉侯以齊侯宴是也。至於二十七年傳公如齊飲酒使宰獻而請安杜氏曰比公於大夫也。然則昭公失國齊侯不以兩君之禮待之矣。

又案食重於燕不獨公自爲主人及宰夫爲主人之別也食禮有幣燕禮無幣食行於廟燕行於寢食牲用太牢燕牲用狗食使大夫戒賓燕於庭命賓皆其例矣萬氏斯大乃謂食禮視燕饗爲輕則誤甚饗禮篇亡不可考其禮盛則又重於食焉

又案燕禮記與卿燕則大夫爲賓與大夫燕亦大夫爲賓注不以所與燕者爲賓者燕爲序歡心賓主敬也公父文伯飲南宮敬叔酒以路堵父爲客

見魯語此

之謂也君但以大夫爲賓者大夫卑雖尊之猶遠于君疏云此謂與已臣子燕法也又聘禮記燕則上介



禮記卷之四  
三  
爲賓注介大夫也雖爲賓猶卑於君君則不與亢禮也主人所以致敬者自敵以上疏云謂兩君相見兩大夫兩士以上則主人親獻也蓋君燕臣必別立賓別立主人若敵者雖大夫士亦自爲主人也

禮經釋例卷四終